

Date – 08/07/2026

Time - 18:30 -18:40Hrs

AKASHVANI AIZAWL
REGIONAL NEWS BULLETIN
AKASHVANI AIZAWL

- 1. Ni 100 inhlawhna thlakna tur ni 125 inhlawhna tur VB-G RAM G chu vawiin khan Rural development & Administration Dept Minister Prof.Lalnilawman a hawng.
- 2. BJP hrwaitu hlun Pu Nirupam Chakma chu CADC CEM atan vawiin khan rinawmna thutiam tira lakluh a ni.
- 3. Union Home Minister Amit Shah-a chuan ruahsur nasa leh tuilian avanga harsatna tawk state thenkhat Chief Minister-te vawiin khan biain sawrkar laipui atanga tanpuina awm theite pek a tiam.
- 4. Indonesia-a cham mek Prime Minister Narendra Modia chuan vawiin khan UNESCO World Heritage Site Prambaman Temple a tlawh.

<><><>

VB G RAM G

VIKSIT BHARAT - GUARANTEE FOR ROZGAR AND AJEEVIKA MISSION (GRAMIN) : VB-G RAM G chu vawiin khan Rural development & Administration Dept Minister Prof.Lalnilawman a hawng.

Prof Lalnilawma chuan VB-G RAM G chu Mizoram sawrkarin a hlawhtlin theih nan theih tawp a chhuah nghal a, ram pumah a scheme notification chhuah hmasa ber RD & AD Mizoram a ni a ti. State sawrkarin VB- G RAM G a tum ve tur cheng vaibelchhe 128 pawh harsatna a awm dawn loh thu a sawi bawk a ni. A hlawhtlinna tak tak erawh mipui te, VC te, official te thawhhonaah a innghat a ti bawk.

Minister chuan VB-G RAM G scheme-in a ngaihpawimawh pakhat chu Tui hnianghnar taka neih a ni a ti a. PHE nen tangkawpin tuikhuah rintlak tak siam an tum thu a sawi a, he scheme thar hnuaiah hian ni 125 inhlawhna hi mipuite eizawanna nen inkungkaih tlat niin department dangte nen tangkawpin changtlung zawk eizawanna duang tura hmalakna kalpui mek a nih thu a sawi bawk.

VC

Mizorama hman turin vawiin khan VB G Ram G chu Rural development & Administration Dept Minister Prof.Lalnilawman a hawng a, A hawanna inkhawm Rural development & Administration Dept buatsaiha Aizawla neihah VB-G RAM G hnuaiah ni 125 inhlawhna siam a nih tur thu tarlan a ni a, kum khat chhungin ni 60 Farming season-ah chawlh siam a nih tur thu leh he scheme thar hi thingtlang lama eizawanna siamtu pawimawh tak a nih zel tur thu tarlan a ni.

Ni 100 inhlawhna MGNREGA hnuaiah khan Mizoramah chuan kum 2011 a retheihna zaa 23 ni thin kha kum 2026-ah hi chuan zaa 11 ah a tla hniam tih tarlan a ni bawk a. VB- G RAM G

hnuaiah hian central sawrkar atangin cheng vaibelchhe 611 leh nuai 65 leh Mizoram sawrkar a tangin cheng vaibelchhe 67 leh nuai 95 dah a ni tih vawiin inkhawm ah hian tarlan a ni.

(DIPR)

<><><>

RAIN HAVOC

Mizorama khawcheng mek chuan, hmun hrang hrangah harsatna a thlen mek a, a bikin chhim lama mipuiten harsatna an tawk zual bik a,

Indian Meteorological Department (IMD), Aizawl director Sudheer Kumar Dwivedi chuan, darkar 24 lo awm turah Mizoram hmun hrang hrangah ruah nasa takin a sur chhunzawm thei a, a bikin chhim lam, Siaha leh Lawngtlaiah te ruah hi a tam dawn ni a hmuhlawk a ni a ti.

Pu Dwivedi chuan mipuite fimkhur tura chahin, ruahtui hi mm 100 vel a tlak avangin lei a hawrh thei a, heivang hian leimin pawh a thleng thei a ni a ti.

(BYTE _ Sudheer Kumar Dwivedi)

Lungleia kan corr in an dist chhunga thilthleng a sawi a lo ngaithla ang.

VC - Nimin atanga ruah la tla chhunzawm chuan Lunglei dist ah chhiatna a thlen mek a, nizan khan Lunglei panna hmun hrang hrangah kawng min a awm a, ATL Road lamah Tlawng Lei leh Pukpui inkara min chu darkar 1 dawn thenfai hnuaah a tlang a, hetihlai vek hian NHIDCL kawnglaihna avanga Theiriat area a NH 302 min chuan lirthei thahnem tak dangin Lunglei Municipal area a awm Zobawk, Lungpuizawl leh chhim lam zawng kal pawh theih lovin a awm a, khualzin tangkhang engemawzah hnamdang driver te tiamin an awm a, Theiriat YMA chuan nizan khan riahna leh eitur an ruahman sak a ni. Damlo te pawh tlawmngaiin an zawn a, leimin avanga tawrhna thleng te chu YMA in theihtawpa sutkian tumin an bei a ni. Helai leimin hi tumdangah pawh a minna reng thin a ni a, ruah a tlak reng chuan chu ti mai a thenfai theih a nih a rinawm loh a ni.

Hetihlai vek hian kum kalta lama Bualte leh Thualthu inkar a leiminna thin pawh nasa takin a min leh a, he kawng paltlang hian Lawngtlai,Siaha lam chu engtikawng mah a kal pawhtheih a ni rih lo. He kawng min hi ruah a tlak reng avangin awlsam taka thenfai theih a ni loca, Bualte leh Thualthu khawtlang pawhin khualzin tangkhang te an ngaihsak hle a ni.

Lunglei khawthlang lam, Vanhne leh Thuampui inkarah pawh nizan khan leiminin kawng a hnawh a, hei erawh thenfai tawh a ni.

Hetianga ruah a sur nasat avang hian Lunglei DC Pi Navneet Maan chuan thuchhuah siamin school thuneitu te chu an naupang harsatna tawk an awm chuan DEO te nen ruahmanna siam a, zirlai te tan ruahmanna dang siam turin thu a chhuah. Tunlai hian zirlai ten First term exam an nei mek a, leimin in kawng a hnawh avang hian harsatna tawk an awm nual a ni.

Khawcheng avang hian Tlabung leh a chhehvel khua ah chhiatna a thleng nasa hle niin kan corr thudawinna chuan a sawi a. Tlabung, Chawnpui venga NHIDCL kawng laih avanga February thlaa Thelret Tuikhur bul huam chhung min chu en zui reng a ni a, kartir khan lei hi tawlh lehin, tun dinhmunah chhungkaw 3 luahlai chu bungrua engmah chuh hman lohvin leiminin in a hnawl bak ah in rel lai pakhat a hnawl a. Tun dinhmunah chhungkaw 5 te chu leimin in a chim pil mai theih vangin Khawtlangin an bungrua an thiar chhuah sak a ni. Heng harsatna tawk mek te hi YMA hall, YMA Library leh hmun remchangah te an bungrua thiar luh sak an ni.

Tlabung bikah hian tuilian a vangin chhungkaw 7 chuan an in luahlai an chhuahsan mek a. Tlabung, Zodin leh Chawnpui ah hian harsatna tawk mek te dinhmun enfiah in SDO (Civil) te pawh kal in, an harsatna tawh te chinfel pui in Tlabung VC, Tlabung Branch YMA, Chawnpui Branch YMA Tlabung, Zodin Branch YMA ten an vil reng a ni. VC leh YMA ten khawtlang chhiatna hrang hrang thleng mek chinfel dan tur an ruahman mek reng a ni.

Hetihlai hian Disaster Management and Rehabilitation Department hotute chuan leimin leh a kaihnhawih pumpelh a nih theihna atan tuichhe pawih kawngah mi tinte fimkhur theuh turin an ngen.

DM&R hotute’n Aksashvani News Aizawl kaltlangin Mizoramin furpui a hmachhawn mek avang leh Mizoram chu tlangram, leimin duhna hmun a nih avangin mi tinte chu, an tuichhe paihna theuh uluk taka enfiah a, tihfai ngai leh thawm that ngai te tifai a thawm tha theuh turin an ngen a, midangte tana harsatna siam lova tui luantir a veng chhunga chhiatna thleng thei tur hlauhawm a awm leh awm loh chungchangah pawh beng chhi theuh tur leh chhiatna engpawh thelng se, thuneitute hnena a rang thei ang bera report thin mitin an ngen a ni.

Kan Correspondent report i lo ngaithla ang :

Voice Cast : *Mipuite’n awlsam zawk a chhiatna thleng thuneitute hnena an report theih nan Disaster Management and Rehabilitation Department chuan KHUAREL APP a siam a. Hei hi kan phone-ah install i la, awmhmun atangin chhiatna thleng engkim District thuneitute hnenah kan report thei dawn a ni.*

(CORR John/Thanghmingliana Lunglei PTC)

<><><>

CADC CEM SWEARING IN

BJP hruaitu hlun Pu Nirupam Chakma chu Chakma Autonomous District Council Chief Executive Member atan wawiin khan rinawmna thutiam tira lakluh a ni.

Wawiina Kamalanagar, Chawngte-a CADC Art & Culture Hall-a lakluh inkhawmah hian Lawngtlai Bawrhsap Pu Donny Lalruatsanga chuan BJP leh ZPM thawkdunin an thlan CEM Pu Nirupam Chakma hi thutiam a laktir a, District Council & Minority Affairs Minister Pu C. Lalsawivunga bakah BJP Mizoram State Prabahari Pu Debesh Kumar leh party lam aiawh leh Mizoram Sorkar leh District Council lam aiawh mi pawimawh eng emaw zat an tel a ni.

Pu Nirupam Chakma chuan CADC-ah huapzo, langtlang leh mipui sawrkar din tura hmalak a nih tur thu te, hmasawmna kawng hrang hrang- Zirna, Kawlphetha, kawngpui tha, thalaite tana hna thar siam leh a dangte ngaihpawimawh a nih tur thu a sawi bakah CADC hmasawmna turin a kaihhruai sawrkarin theihtawp a chhuah tur thu intiamin, hemi kawngah hian thahnem ngai taka sawrkar tawiawm turin CADC huamchhunga VC, Tlawmngai Pawl, Kohhran leh mipuite a sawm nghal baw.

DC & MA Minister Pu C. Lalsawivunga pawhin rei tak Governor's Rule - a an awm hnua, CADC - ah sawrkar thar lakluh a ni chu lawmawm a tih thu a sawi a. Chakma Democratic Alliance Legislature Party chuan CADC tan hmasawmna thar a thlen a beisei tlat tih a sawi.

CADC- ah hian Elected Seat - 20 awmin, Chakma Democratic Alliance Legislature Party- ah hian BJP-10 leh ZPM - 9, thawkhoin sawrkarna hi an siam a ni.

(Lalnggheta Lawngtlai PTC)

<><><>

MZP

Mizo Zirlai Pawl General Headquarters hruaitute chuan, Special Intensive Revision neih mek a Chakma khaw thenkhata voter pung tam lutuk chu, Central Young Chakma Association leh Mizoram Chakma Student Union-te nen a hmun a kal chilh a, a tul ang a hmalak an tum tih an sawi.

Wawiina MZP General Headquarters Aizawl a thuthar thehdarh tute an kawmna-ah, MZP hruaitute chuan he thu hi sawiin, sorkar laipuiin a phut ang a Special Intensive Revision neih mekah, Chakma khaw thenkhat a voter punna chu a nasat lutuk thu leh hei hi thil rinhlelh awm

tak a nih thu te, Document lem hmaga Voter ID hial siam an tam ni a thu an dawn thu te bakah Aadhar Card pawh a lem a siam thei an awm ni a an ngaih avangin fimkhur a ngai hle a ni, an ti a. A bik takin Red Zone leh Yellow Zone-a Election Officer, ARO leh AERO te chu fimkhur tura an duh thu leh, Chakma khaw 59 te chu uluk lehzuala en nawn an duh tih an sawi bawk.

MZP General Headquarters hruaitute chuan West Bengal-a Special Intensive Revision kalpuina-ah pawh, West Bengal huam chhunga Chakma awmte’n Mizoram document an neih nual thu leh heng document te hi enfiah tura Mizorama rawn thawn a awm nual niin an sawi bawk.

Byte MZP President 13 Seconds.....

(John CORR)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

PM MODI

Indonesia-a cham mek Prime Minister Narendra Modia chuan vawiin khan UNESCO World Heritage Site Prambaman Temple a tlawh a. Indonesia President Prabowo Subianto chuan PM Modia hi a tawiawm a ni. Thuchhuah intawm an siamah President Prabowo chuan Prambanan temple chu India leh Indonesia inthianthatna kum 100 chuanga upa tawh entirtu a ni a ti. Prime Minister Modia pawhin vawiina Temple a tlawh thei chu atan thlarau lamah leh a nuna tawnhriat pawimawh tak anih thu a sawi a. Indonesia mipuite chu kum 120 chhung he temple him taka an vawng thei chu fakin ram pahnihten chanchin ropui an intawm thil anih thu a sawi a ni.

Prime Minister Modia hian Indonesia-a hun a hman hnu hian vawiin vek khan Australia khawpui Melbourne a pan a ni.

(Newsonair)

<><><>

UNION HM

Union Home Minister Amit Shah-a chuan ruahsur nasa leh tuilian avanga harsatna tawh state thenkhat Chief Minister-te vawiin khan biain sawrkar laipui atanga tanpuina awm theite pek a tiam.Pu Shah-a hian Maharastra Chief Minister Devendra Fadnavis te, Gujarat Chief Minister Bhupendra Patel bakah Kerala Chief Minister V Satheesan te a bia a. AN state chhunga ruahsur nasa avanga harsatna thlang leh tuilian chungchangte a zawtfiah a. State sawrkarte hnenah an mamawh ang tanpuina sawrkar laipui chuan a pe dawn tih a sawi a ni.

(Newsonair)

<><><>